

## ATODLEN

Rheoliad 2

### DIWYGIADAU I'R FFURFLEN SY'N DWYN Y TEITL "CAIS AM GRANT ADLEOLI"

1. Ar ôl cwestiwn 4.23, mewnosodwch—

**4.23A** Os ydych chi, neu'ch partner, ar hyn o bryd mewn cyflogaeth am dâl, ydych chi neu'ch partner yn cael yr isafswm cyflog gwladol am bob swydd a ddeler?

Chi		Eich Partner	
Ydwyf	<input type="checkbox"/>	Ydyw	<input type="checkbox"/>
Nac Ydwyf	<input type="checkbox"/>	Nac Ydyw	<input type="checkbox"/>

**4.23B** Os ydych wedi ateb "Nac ydwyf/Nac ydyw" i gwestiwn 4.23A, a oes gennych chi neu'ch partner yr hawl i gael yr isafswm cyflog gwladol am bob swydd?

#### Nodyn 34A

Chi		Eich Partner	
Oes	<input type="checkbox"/>	Oes	<input type="checkbox"/>
Nac Oes	<input type="checkbox"/>	Nac Oes	<input type="checkbox"/>

**4.23C** Os ydych wedi ateb "Nac oes" i gwestiwn 4.23B, dywedwch pam nad oes gennych chi neu'ch partner hawl i gael yr isafswm cyflog gwladol am bob swydd a ddeler:

#### Nodyn 34A

.....  
.....  
.....".

2. Yng nghwestiwn 4.31

(a) ar ôl "Ysgoloriaethau ac addysgedau eraill etc: £ ... .. £ ... ..", mewnosodwch "**Nodyn 46B**";

(b) ar ôl "Benthyciad myfyrwyr: £ ... ..", mewnosodwch "**Nodyn 46C**".

3 Yng nghwestiwn 4.34 yn lle "**Nodiadau 50 a 50A**" rhwch "**Nodiadau 50, 50A a 50B**".

4. Yn y pennawd o flaen cwestiwn 4.36, ar ôl "**grantiau myfyrwyr**" mewnosodwch "**neu fenthyciadau myfyrwyr**", ac yng nghwestiwn 4.36, ar ôl "grant myfyriwr" mewnosodwch "neu fenthyciad myfyriwr".

5. Ar ddiwedd nodyn 30, ychwanegwch:

"Dylai tâl gros gynnwys hefyd daleb ddi-arian a gymerwyd i ystyriaeth wrth gyfrifo'ch enillion yn unol â rheoliad 18(22) i (25) o Reoliadau Nawdd Cymdeithasol (Cyfraniadau) 1979."<sup>(1)</sup>

6. Ar ddiwedd nodiadau 31 a 32 ychwanegwch —

"Byddwch cystal â chynnwys swm eich pensiwn p'un a delir ef i chi neu i berson arall. Nid oes rhaid i chi gynnwys swm eich pensiwn lle telir y cyfan ohono i'ch ymddiriedolwr mewn

(1) [O.S. 1979/591](#); yr offeryn diwygio perthnasol yw [O.S. 1999/561](#).

*Statws* This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

methdaliad neu i rywun arall ar ran eich credydwy'r ar yr amod nad ydych chi neu aelod o'ch teulu yn cael unrhyw incwm ar wahân i'r taliad hwnnw.”.

7. Ar ôl nodyn 34, mewnosodwch —

“**34A.** Os nad ydych chi neu'ch partner yn gwybod a oes gennych hawl i gael y lleiafswm cyflog gwladol am unrhyw swydd, llenwch weddill y ffurflen a gofyn wedyn i Adran Dai y Cyngor pan fyddwch yn anfon eich cais i mewn.”.

8. Yn nodyn 45, ar ôl “Groes George” mewnosodwch—

“ndash;lwfans cynhaliaeth addysgol sy'n daladwy yn rhinwedd rheoliadau a wnaed o dan adran 518 o Ddeddf Addysg 1996(2) (talu costau ysgol; rhoi ysgoloriaethau etc.) neu unrhyw swm mewn perthynas â chwrs astudiaeth a ddilynir gan blentyn neu berson ifanc sy'n daladwy yn rhinwedd rheoliadau a wnaed o dan adran 518 o Ddeddf Addysg 1996, adran 49 o Ddeddf Addysg (Yr Alban) 1980(3) (pŵer i gynorthwyo personau i fanteisio ar gyfleusterau addysgol) neu adran 12(2)(c) o Ddeddf Addysg Bellach ac Uwch 1992 (Yr Alban) 1992(4) (darparu cymorth ariannol i fyfyrwyr).”.

9. Ar ôl nodyn 46A, mewnosodwch —

“**46B.** Peidiwch â chynnwys dyfarniad chwaraeon ac eithrio i'r graddau iddo gael ei wneud ar gyfer talu eich costau, neu gostau eich teulu, ar gyfer bwyd, dillad neu esgidiau cyffredin, tanwydd neu rent cartref, neu ar gyfer unrhyw dreth gyngor neu daliadau dŵ r yr ydych chi neu y mae aelod arall o'ch teulu yn atebol amdanynt.

Nid oes angen i chi gynnwys unrhyw daliadau am fitaminau, mwynau neu unrhyw ychwanegiadau deietegol arbennig a fwriedir i wella'ch perfformiad yn y gamp y cafodd y dyfarniad ei wneud ar ei chyfer.

Nid oes angen ychwaith i chi gynnwys unrhyw daliadau a wnaed am wisg ysgol neu ddillad neu esgidiau sydd i'w defnyddio ar gyfer gweithgareddau chwaraeon yn unig.

**46C** Dylech roi mwyafswm y benthyciad myfyriwr y gallech fod wedi'i gael, lle na chawsoch fenthyciad myfyriwr neu lle na chawsoch y mwyafswm.”.

10. Ar ôl nodyn 50A, mewnosodwch —

“**50B** Peidiwch â chynnwys dyfarniad chwaraeon a gawsoch lai na 26 wythnos yn ôl ac eithrio i'r graddau ei fod wedi'i wneud i dalu eich costau, neu gostau eich teulu, am fwyd, dillad neu esgidiau cyffredin, tanwydd neu rent cartref, neu unrhyw dreth gyngor neu daliadau dŵ r yr ydych chi neu y mae aelod arall o'ch teulu yn atebol amdanynt.

Nid oes angen i chi gynnwys unrhyw daliadau am fitaminau, mwynau neu unrhyw ychwanegiadau deietegol arbennig a fwriedir i wella'ch perfformiad yn y gamp y cafodd y dyfarniad ei wneud ar ei chyfer.

Nid oes angen ychwaith i chi gynnwys unrhyw daliadau a wnaed am wisg ysgol neu ddillad neu esgidiau sydd i'w defnyddio ar gyfer gweithgareddau chwaraeon yn unig.”.

11. Yn nodyn 52, ar ôl “grant y myfyriwr” mewnosodwch “neu fenthyciad y myfyriwr”.

---

(2) 1996 p.56; amnewidiwyd adran 518 gan adran 129 o Ddeddf Safonau a Fframwaith Ysgolion 1998 (p.31).  
(3) 1980 p.44.  
(4) 1992 p.37.